



Broj: 02-03- 1241-23/21
Sarajevo, 28.12.2021. godine

Na osnovu člana 64. stav (1) tačka b), člana 70. stav (1), (3) i (6), člana 25. Zakona o javnim nabavkama („Službeni glasnik BiH“, broj: 39/14), člana 16. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine i broj 01-1344-5/2012 od 27.07.2012. godine, 39. Pravilnika o javnim nabavkama roba, usluga i radova Kantonalnog stambenog fonda Sarajevo, broj: 02-02-331/2019 od 18.03.2019. i broj: 02-03-387/2020 od 04.03.2020. godine i na osnovu Preporuke Komisije za provođenje postupka javne nabavke radova o izboru najpovoljnijeg ponuđača u postupku javne nabavke radova-Radovi na sanaciji lifta u Kantonu Sarajevo na adresi Porodice Ribar 3, broj: 02-03-1242-21/21 od 27.12.2021. godine, direktor Kantonalnog stambenog fonda Sarajevo, kao Ugovornog organa, **donio je**

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za za provođenje postupka javne nabavke radova o izboru najpovoljnijeg ponuđača u postupku javne nabavke radova- Radovi na sanaciji lifta u Kantona Sarajevo na adresi Porodice Ribar 3, broj: 02-03-1241-21/21 od 27.12.2021. godine i Ugovor za javnu nabavku radova: Radovi na sanaciji lifta u Kantona Sarajevo na adresi Porodice Ribar 3, Općina Novo Sarajevo dodjeljuje se ponuđaču „EURO LIFTING“ d.o.o. Srebrenik, JIB: 4218240890003/218240890003, ulica Ježinac-Magistralni put bb, 75350 Srebrenik, čija je Ponuda, broj: 276/2021 od 23.12.2021. godine (zaprimljena 27.12.2021.godine), **sa ponuđenom cijenom u iznosu od 6.150,00 KM** (slovima: šesthiljadastotinupedeset i 00/100 KM) bez PDV-a, ocijenjena kao kao najpovoljnija.

Javna nabavka iz stava 1. ovog člana provedena je putem Otvorenog postupka, za koju je Obavještenje o nabavci, broj: 882-1-3-199-3-12/21/21, objavljeno na Portalu javnih nabavki dana 10.06.2021. godine i dana 09.12.2012. godine.

Jedinstveni rječnik javne nabavke je 45000000-7- Građevinski radovi i 45313100-5-Radovi ugradnje lifta.

Član 2.

Po pravosnažnosti ove odluke izabranom ponuđaču dostaviti će se na potpis prijedlog Ugovora o nabavci, kojim će biti regulisana međusobna prava i obaveze za predmetnu nabavku, a sve u skladu sa zahtjevima Ugovornog organa predviđenim u Tenderskoj dokumentaciji i propisima koji regulišu postupke ugovaranja.

Član 3.

Za realizaciju ove odluke zadužen je Odjel za projektovanje nadzor i druge tehničke poslove i Odjel za pravne i ekonomske poslove Kantonalnog Stambenog fonda Sarajevo.

Član 4.

Ova Odluka objavit će se na web stranici Ugovornog organa- www.ksfs.ba, u skladu sa članom 70. stav (6). Zakon o javnim nabavkama.

Član 5.

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav (2). Zakona o javnim nabavkama.





Obrazloženje

Odlukom Fonda, broj: 02-03- 1241/21 od 26.10.2021. godine, pokrenut je postupak javne nabavke radova: Radovi na sanaciji lifta u Kantonu Sarajevo na adresi Porodice Ribar 3, Općina Novo sarajevo, putem Otvorenog postupka, u kojoj je predviđena procijenjena vrijednost predmetne nabavke u iznosu od 6.150,00 KM bez PDV-a.

Obavještenje o nabavci, broj: 882-1-3-109-3-12/21 i Tenderska dokumentacija objavljeni su na Portalu javnih nabavki dana 28.10.2021. godine.

Tendersku dokumentaciju sa Portala Javne nabavke preuzelo je ukupno sedam (7) privrednih subjekata/pravnih lica.

U ostavljenom roku po Zakonu o javnim nabavkama, Žalbu na objavljenu Tendersku dokumentaciju izjavila su pravna lica „FCT“, d.o.o. Banja Luka i „Gradprom“ d.o.o. Srbac, nakon čega je predmetni postupak javne nabavke obustavljen Odlukom Fonda, kao Ugovornog organa od 02.11.2021. godine radi odlučivanja po žalbama pred nadležnim II- stepenim organom.

Uz dostavljenu žalbu sa priloženom cjelokupnom dokumentacijom predmetnog postupka, Fond je II- stepenom nadležnom organu u svrhu odlučivanja dostavio i svoje Očitovanje na žalbene navode oba pravna lica po aktu. broj: 02-03-1241-8/21 od 05.11.2021. godine.

U istom periodu, na adresi Fonda kao Ugovornog organa zaprimljena je jedna (1) ponuda zainteresovanog ponuđača, pravnog lica „EURO LIFTING“ d.o.o. Srebrenik,

Nakon što je žalba pravnog lica „FCT“, d.o.o. Banja Luka odbačena, a žalba pravnog lica „Gradprom“ d.o.o. Srbac djelimično usvojena, Fond je posebnom odlukom od 07.21.2021. godine odlučio da nastavi prekinuti postupak, te istovremeno Odlukom od 09.12.2021. godine izvršio izmjenu Tenderske dokumentacije u skladu sa uputama II- stepenog nadležnog organa prilikom odlučivanja po žalbi pravnog lica „Gradprom“ d.o.o. Srbac, koja je nakon toga dana 09.12.2021. godine objavljena na Portalu javnih nabavki.

U nastavku predmetnog postupka javne nabavke, u ostavljenom roku iz Tenderske dokumentacije za prijem ponuda , na adresi Fonda kao Ugovornog organa, zaprimljena je jedna (1) ponuda i to od strane istog zainteresovanog ponuđača, odnosno od pravnog lica „EURO LIFTING“ d.o.o. Srebrenik- po Punudi broj: 276/2021 od 23.12.2021. godine (zaprimljena u Fondu 27.12.2021.godine).

Komisija za provođenje postupka javne nabavke radova, imenovana Rješenjem direktora Kantonalnog stambenog fonda Sarajevo, broj: 02-03-1241-2/21 od 27.10.2021. godine (u daljnjem tekstu: Komisija) izvršila je javno otvaranje zaprimljene ponude dana 27.12.2021. godine, te je utvrdila da je ista blagovremeno dostavljena.

U daljnjem toku postupka, Komisija je izvršila ocjenu kvalifikovanosti ponuđača, te je utvrdila da je Ponuda ponuđača „EURO LIFTING“ d.o.o. Srebrenik kvalifikovana, da ispunjava sve formalno pravne, ekonomske i tehničke uslove, odnosno sve uslove i zahtjeve specificirane Tenderskom dokumentacijom, Zakonom o javnim nabavkama BiH i pripadajućim podzakonskim aktima.

Shodno navedenom, Komisija je u skladu sa Zakonom analizirala prihvatljivost ponude prema datom kriteriju „najniža cijena“, te utvrdila da Ponuda ponuđača „EURO LIFTING“ d.o.o. Srebrenik, broj: 276/21 od 23.12.2021. godine (zaprimljena u Fondu 27.12.2021. godine), u potpunosti odgovara traženim uslovima iz Tenderske dokumentacije i da Ponuđač ispunjava sve pravne, ekonomske i tehničke uslove date u Tenderskoj dokumentaciji.

Shodno naprijed navedenom, Komisija je dostavila Preporuku direktoru Ugovornog organa donošenje odluke o izboru najpovoljnijeg ponuđača čija je ponuda ocijenjena najpovoljnijom za predmetnu javnu nabavku.





U postupku donošenja ove Odluke, posebno su cijenjene činjenice da je Komisija pravilno i potpuno ocjenila kvalificiranost Ponuđača, te ocjenu prispjele Ponude, shodno kriterijima iz Tenderske dokumentacije.

U postupku ocjene provedenog postupka, direktor Fonda kao Ugovornog organa nije našao razloge nepravilnosti kao ni propuste u radu koji bi bili osnov neprihvatanja preporuke Komisije.

Prihvatajući preporuku Komisije, direktor Fonda kao Ugovornog organa odlučio je kao u dispozitivu ove odluke u skladu sa članom 64. stav (1), tačka b), a u vezi sa članom 70. st: (1), (3) i (6) Zakona o javnim nabavkama, člana 8. stav 2. tačka d) Pravilnika o uspostavljanju Komisije za nabavke, člana 39. Pravilnika o javnim nabavkama roba, usluga i radova u Kantonalnom stambenim fondu Sarajevo i članom 16. Statuta Kantonalnog stambenog fonda Sarajevo.

Pouka o pravnom lijeku: Protiv ove odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 10 dana od dana prijema ove odluke.

Žalba se podnosi u pisanoj formi u najmanje tri (3) primjerka, direktno ili preporučenom poštom na adresu: Hiseta 13a, Sarajevo, Kantonalni stambeni fond Sarajevo.

Obradio/Kontrolisao:

Jasmina Karović, dipl.pravnik

Senada Hadžialić, bacc.ecc.



DIREKTOR

Akif Sisić, dipl. pravnik

Dostaviti:

1. „EURO LIFTING“ d.o.o. Srebrenik,
ulica Ježinac- Magistralni put bb -75350 Srebrenik;
2. Odjel za pravne i ekonomske poslove Fonda;
3. Odjel za projektovanje nadzor i druge tehničke poslove Fonda;
4. U evidenciju;
5. U a/a

